



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ ՈՐՈՇՈՒՄ

### ՀԱՆՐԱՅԻՆ ՊԱՇՏՊԱՆԻ ԱՇԽԱՏԱՆՔԻ ԱՆՑՆԵԼՈՒ ՆՊԱՏԱԿՈՎ ՄՐՑՈՒՅԹ ԱՆՑԿԱՑՆԵԼՈՒ ՄԱՍԻՆ

Ղեկավարվելով «Փաստաբանության մասին» Հայաստանի Հանրապետության օրենքի 44-րդ հոդվածի 2-րդ մասի և Հայաստանի Հանրապետության փաստաբանների պալատի (**այսուհետ՝ Պալատ**) խորհրդի 2014 թվականի հունվարի 15-ի թիվ 01/7-Լ որոշմամբ հաստատված «Հանրային պաշտպանի աշխատանքի անցնելու նպատակով մրցույթի անցկացման կարգ»-ի (**այսուհետ՝ Կարգ**) 2.2-րդ, 2.4-րդ և 2.5-րդ կետերով,

հաշվի առնելով այն, որ 2020 թվականի համար նախատեսվող հանրային պաշտպանների թափուր տեղերի (հաստիքների, **այսուհետ՝ Թափուր տեղեր**) քանակը կազմում է ընդամենը 17, այն է՝

**Երևան քաղաք** - հինգ ամբողջական հաստիք՝ քրեաիրավական մասնագիտացմամբ,

**Երևան քաղաք** - մեկ հաստիք՝ քաղաքացիաիրավական մասնագիտացմամբ,

**Արարատի մարզ** - 0,5 հաստիք՝ քրեաիրավական մասնագիտացմամբ, նստավայրը՝ Արտաշատ,

**Արմավիրի մարզ** - 0,5 հաստիք՝ քրեաիրավական մասնագիտացմամբ, նստավայրը՝ Արմավիր քաղաք,

- 0,5 հաստիք՝ քրեաիրավական մասնագիտացմամբ, նստավայրը՝ Էջմիածին,

**Լոռու մարզ** - 0,5 հաստիք՝ քաղաքացիաիրավական մասնագիտացմամբ, նստավայրը՝ Վանաձոր,

- 0,5 հաստիք՝ քրեաիրավական մասնագիտացմամբ, նստավայրը՝ Վանաձոր,

**Կոտայքի մարզ** - 0,5 հաստիք՝ քրեաիրավական մասնագիտացմամբ, նստավայրը՝ Աբովյան,

**Շիրակի մարզ** - 0,25 հաստիք՝ քաղաքացիաիրավական մասնագիտացմամբ, նստավայրը՝ Գյումրի,

**Սյունիքի մարզ** - 0,5 հաստիք՝ քրեաիրավական մասնագիտացմամբ, նստավայրը՝ Կապան,

- 0,5 հաստիք՝ քաղաքացիաիրավական մասնագիտացմամբ, նստավայրը՝ Կապան,

- 0,25 հաստիք՝ քրեաիրավական մասնագիտացմամբ՝ Գորիսի նստավայր,

**Տավուշի մարզ** - 0,5 հաստիք՝ քրեաիրավական մասնագիտացմամբ, նստավայրը՝ Բերդ,

նկատի ունենալով այն հանգամանքը, որ գործնականում հանրային պաշտպանի

18 նոյեմբերի 2019թ.

թիվ 474-Լ

թափուր հաստիքներ կարող են առաջանալ ոչ միայն տարեվերջին, այլ նաև տարվա ընթացքում, ինչպես նաև այն, որ անհրաժեշտության դեպքում հանրային պաշտպանի գրասենյակում չընդգրկված փաստաբանների հետ ժամավճարային դրույքաչափեր նախատեսող աշխատանքային պայմանագրեր կնքելիս, որպես կանոն, նախապատվությունը տրվում է հանրային պաշտպանի թեկնածությունների ցուցակում ընդգրկված փաստաբաններին:

### **Ո Ր Ո Շ Ե Ց Ի՝**

1. 2020 թվականի համար հանրային պաշտպանի աշխատանքի անցնելու նպատակով անցկացնել հետևյալ մրցույթները (**այսուհետ՝ Մրցույթ՝**)

1) **քաղաքացիաիրավական ուղղվածության հանրային պաշտպաններ նշանակելու համար մրցույթ՝** Երևան քաղաքի և մարզերի հանրային պաշտպանների Թափուր տեղերը համալրելու համար:

2) **քրեաիրավական ուղղվածության հանրային պաշտպաններ նշանակելու համար մրցույթ՝** Երևան քաղաքի և մարզերի հանրային պաշտպանների Թափուր տեղերը համալրելու համար:

2. Սահմանել, որ՝

1) **Մրցույթի գրավոր փուլը** կանցկացվի ՀՀ, ք. Երևան, Զաքյան 7-3 հասցեում (ՀՀ փաստաբանական դպրոց, 3-րդ հարկ) **2019 թվականի նոյեմբերի 29-ին, ժամը 11.00-ին:** Մրցույթի գրավոր փուլի տևողությունը սահմանվում է 4 (չորս) ժամ:

2) Մրցույթին մասնակցելու համար դիմումներն ընդունվում են սույն որոշումը հրապարակելու օրվանից մինչև 2019 թվականի նոյեմբերի 25-ը ներառյալ՝ յուրաքանչյուր աշխատանքային օր ժամը 10:00-ից մինչև 17:00-ը ՀՀ, ք. Երևան, Զաքյան 7-2, 4-րդ հարկ հասցեում:

3) փոստով ուղարկված դիմումները չեն համարվի ընդունված, եթե ՀՀ փաստաբանների պալատը ծրարը փաստացի ստանա 2019թ. նոյեմբերի 25-ից հետո:

4) **Մրցույթի գրավոր փուլը հաղթահարած հավակնորդը կիրավիրվի հարցազրույցի** Կարգի 4.11 կետի համաձայն:

3. Հաստատել հանրային պաշտպանի աշխատանքի անցնելու նպատակով անցկացվող մրցույթին մասնակցելու դիմումի ձևը՝ համաձայն հավելվածի:

4. ՀՀ փաստաբանների պալատի աշխատակազմի ղեկավարին՝

- Մրցույթի անցկացման վերաբերյալ հայտարարությունը տեղադրել ՀՀ փաստաբանների պալատի կայքէջում և վարչական շենքում (4-րդ հարկ) գտնվող հայտարարությունների տախտակի վրա:

- օժանդակել մրցութային հանձնաժողովին Մրցույթի կազմակերպման և անցկացման աշխատանքների կատարման համար, այդ թվում՝ ապահովել անհրաժեշտ նյութատեխնիկական միջոցներով:

Հայաստանի Հանրապետության  
փաստաբանների պալատի նախագահ՝

Արա Զոհրաբյան

**18 նոյեմբերի 2019թ.**

**թիվ 474-Լ**

**ք. Երևան**

ՀԱՎԵԼՎԱԾ  
ՀՀ փաստաբանների պալատի  
նախագահի 18.11.2019թ. թիվ 474-Լ որոշման

Հայաստանի Հանրապետության  
փաստաբանների պալատին

\_\_\_\_\_ ից  
(անուն, ազգանուն)

արտոնագրի № \_\_\_\_\_

հասցե՝ \_\_\_\_\_

Էլեկտրոնային փոստի հասցե՝

\_\_\_\_\_ մասնագիտական ուղղվածությունը՝  
\_\_\_\_\_ (նշել քրեական կամ քաղաքացիական և վարչական)

«\_\_\_\_\_» \_\_\_\_\_ 201\_\_\_\_\_ թ.

### Դ Ի Մ ՈՒ Մ

հանրային պաշտպանի աշխատանքի անցնելու նպատակով  
անցկացվող մրցույթին մասնակցելու

Ցանկանում եմ մասնակցել հանրային պաշտպանի աշխատանքի անցնելու նպատակով  
կազմակերպվող մրցույթին վերը նշված մասնագիտական ուղղվածությամբ, հետևյալ  
աշխատավայրում (նստավայրում)՝

- ☐ Երևան քաղաք, կամ  
☐ \_\_\_\_\_ մարզ  
(նշել մարզի (մարզերի) անվանումը)

Հայտնում եմ, որ՝

- տիրապետում եմ համակարգչային հմտությունների.
- համաձայն եմ Հայաստանի Հանրապետության փաստաբանների պալատի խորհրդի 2014 թվականի հունվարի 15-ի թիվ 01/7-Լ որոշմամբ հաստատված «Հանրային պաշտպանի աշխատանքի անցնելու նպատակով մրցույթի անցկացման կարգ»-ով սահմանված դրույթների հետ:

Դիմող՝ \_\_\_\_\_  
(ստորագրություն)